

青海誌畧

戴傳賢題



許公武編著

青海誌略

商務印書館印行

中華民國三十二年十一月初版
中華民國三十四年六月再版

(* 35301 渝執)

青 海 誌 略 一 冊

渝版熟料紙

定價國幣壹元伍角

印刷地點外另加運費

版權所
必究

著 者

許 公 武

發 行 人

王 遠 五

印 刷 所

商務印書館

發 行 所

商務印書館

緒言

青海爲我國西北西南之國防要地，幅員廣大，山川壯麗，其動植礦各種物產，種類繁多，量亦豐富，自成一天然產殖場，惟以居民稀少，生活殊異，且地勢高寒，交通不便，內地人士足跡罕到，知者極鮮。新亞細亞學會會員黎小蘇，丘向魯、朱允明等親歷其境，實地考察，以其所見所聞，編作報告書，寄本會分期發表於月刊，蓋欲喚起國人之注意，致力開發，以爲富強之基也。際茲抗戰建國時期，開發邊疆，爲不可或緩之要政，特將原稿重行整理，彙編成冊，名曰：青海誌略，國人之研究青海者閱此一卷，即可明其梗概情形，施政方針可不勞而定矣。

中華民國三十二年三月許崇顯於陪都之陶園。

目錄

緒言	一
第一章 總說	一
第二章 青海之歷史沿革	三
第一節 歷代開闢之經過	三
第二節 民國建立後之青海	五
第三章 青海之地理環境	八
第一節 地質	八
第二節 地勢	九
第三節 山脈	十
第四節 河流	一四
第五節 湖泊	二一
第六節 沙漠	二四
第七節 氣候	二五
第四章 青海之自然區域及政治區域	二七

第一節

青海之自然區域

二七

第二節

青海之重要縣市

二八

第五章 青海之經濟狀況

第一節

墾務

三九

第二節

農產

四〇

第三節

林業

五〇

第四節

鹽業

五一

第五節

牧業

五九

第六節

漁業

六八

第七節

獵業

六九

第八節

工業

七七

第九節

商業

七九

第六章 青海各民族分佈之狀

第一節

漢族

八一

第二節

蒙古族

八二

第三節

民族

九二

第四節	藏族	九四
第五節	土族	一〇四
第六節	撒族	一〇六
第七章	青海之宗教及寺院	一〇八
第一節	宗教	一一一
第二節	寺院	一一一
第八章	青海人民之生活習尚	一二〇
第一節	衣服	一二〇
第二節	飲食	一二一
第三節	居住	一二二
第四節	行旅	一二三
第五節	婚姻	一二四
第六節	生育	一二五
第七節	喪葬	一二五
第八節	職業	一二六
第九節	爭訟與復仇	一二七

第九章	青海省之交通路線·····	一三八
第十章	青海之教育·····	一三一
第十一章	結論·····	一三四

青海誌略

第一章 總說

青海在甘肅之西南，以境內有大湖曰青海，乃我國第一大鹹水湖，因是而得名。全境西界新疆，東北與甘肅接壤，東南一隅界四川，南與西藏毗連，西南界西藏，東起西經十四度，西至西經二十六度，南起北緯三十一度，北至北緯三十九度。東西相距一千餘公里，南北相距九百二十餘公里。全省面積七十二萬八千一百方公里，人口約四百五十九萬餘。平均每方公里僅得六人強。省治曰西寧，轄縣十六，及蒙古二十九旗，玉樹二十五族，近海八族，以及若干土族及撒拉等。蒙古族多居於北境，藏族多居於南境，漢回及土族則錯居於西寧附近各縣。蒙藏二族皆以畜牧爲業，生活情形與漢回均異。語言則漢回人民，通用北方官話；蒙藏人民則皆用其固有之方言，惟與漢族接近之人，亦有能操官話者。

青海全省，南部地勢極高，勒科爾烏爾達布遜山環其西，唐古喇山屏其南，祁連山亘其北，岷山、西傾山列其東，巴顏哈喇山脈斜貫中央，爲長江黃河兩大川之發源地。東北與西北

則形戎兩大盆地。東北盆地在青海湖附近，水草豐美，爲蒙古遊牧地。西北盆地，卽柴達木河流域之地，亦係低濕之域，頗似古時湖底，極目荒原，遍地積布。青海全部均屬高原，平均海拔在一萬尺至一萬三千尺之間，地當崑崙山脈之支，有高屋建瓴之勢，據全國山脈河流之總樞，其形勢極爲重要。其位置自東南各省觀之，謂爲西北；然以全國而論，實居我中華全境之中心，類以山川險阻，交通梗塞，過去學者論析西北地理者雖衆，而獨於青海則甚略。塞外蒙古二十九旗，僅著於理藩則例，海南玉樹等二十五族，荒落僻遠，學者足跡罕至，記載尤稀。蓋自西套祁連以南，向因蒙古牧場所在，不與內地同治，番族政教，亦與內地迥異，加以交通困難，梯航不易，外人亦鮮問津，是以數十年來，滿、蒙、回、藏各地屢生交涉，而青海獨晏安無事，世外桃源何以過之。然而進化之機，亦由是阻絕。夫以青海面積之廣，物產之豐，生殖之富，寶藏之多，而國人乃步焉無觀，不知經營開發，不知移民墾殖，大好河山淪爲荒蕪，貨棄於地，至爲可惜。回溯我國前清時代，尙知拓疆闢土，顧及邊防。如左宗棠之經略甘肅，趙爾豐之經營西康，吾人追慕先哲籌邊之豐功偉績，不禁感慨繫之。值英抗戰建國時期，開發建設，刻不容緩。蓋唯有開發建設，而後乃能鞏固國防，亦唯有國防鞏固，而後能進國家於長治久安之坦途也。

第二章 青海之歷史沿革

第一節 歷代開闢之經過

青海一帶，在夏代爲西戎，其東北部已隸中國，禹貢：黑水西河爲雍州，卽指今青海省東北部而言。周末，西戎侵入中國。滅王室，一部份戎人散居於甘肅一帶。秦時爲西羌，乃犬戎之同種。漢初屬匈奴，惟黃河上游屬羌人。漢武帝置西河郡，以絕匈奴與羌之往來，置寧羌校尉於臨羌（西寧東）趙充國屯田湟中，卽今西寧一帶。其西屬燒當諸羌地。

新莽時，羌人獻鮮水湖，置西海郡築龍夾城（卽今上郭密之古城）以備之。後漢中葉築湟中（西寧）護羌（樂都）二城，西部仍隸諸羌。三國時西羌強盛，併前後藏而爲一獨立國。東晉以後爲東胡族之鮮卑、吐谷渾、慕容氏所據，勢甚盛，分其國爲乙弗、契汗、白蘭三部。是爲異族侵入之始。南北朝時疆域更廣，岷江上游諸羌，悉附於吐谷渾。其後宕昌羌強，足與吐谷渾抗。隋大業五年，命裴矩擊平吐谷渾。而設西海（在科泉古迤東）河源（在可可烏蘇地方）二郡，置伏俟，赤水二城以備之，隋末，吐谷渾復據其地。

唐初李靖侯君集等征吐谷渾。靖軍破天柱王部落於赤海（達布遜泊）次且末城。君集軍經

月行空荒千里，次星宿川，達柏梅上（約當今札陵，鄂陵二海之東）望積石山觀覽河源，馳破虜軍重，兩軍會於大非川（州西三百里，今雅瑪圖河破羅真谷，當在西寧府邊外西南）。天寶七年，哥舒翰取石堡城，築神威城於青海上。又於海上築應龍城，謫罪人二千戍之，由是吐蕃不敢近青海，此中國征服青海之大略也。

唐龍朔三年，吐蕃滅吐谷渾，盡有其地。吐谷渾乃散居今甘、涼、寧夏一帶，而白蘭、丁零、析支等羌附於吐蕃。吐蕃以西藏西康爲根據，而包括青海松潘河湟隴西等地，將其同種所在而統一之，是爲藏族全盛時代。代宗慶德時吐蕃合黨項，吐谷渾內犯，攻陷長安，逼走天子，吐蕃遂稱霸西域。厥後吐蕃衰弱，回鶻黨項分有其地，吐蕃僅保青海南部之地。後唐莊宗時，回鶻來朝，置保順軍以控之，至是自洮州以西，涼一帶之地，稱唐羈縻十六州。

宋代青海屬於西夏，混合多族，屢爲邊患。南宋時嘗屬畏吾兒，元世祖定吐蕃，置貴德州，夷其地爲阿甘宣撫司，未嘗殖民於青海也。明初，遣官詔諭，並賜蕃酋以諸衛所，簽事等官，並封蕃僧以國師禪師之名號以羈縻之。明正德以後，蒙古族額伯爾及阿爾圖斯等移居於環海草水肥饒之地。

清初，額魯特，顧實汗自西北侵入青海，建青海蒙古，其子留汗西藏，遂分其地爲左右境。蒙古部落散處青省西北一帶，稱「青海台吉」。其南部仍爲圖伯特之玉樹等番族所居，當蒙人侵入也，番多徙於河源以南，以黃河爲大界。康熙平準噶爾，青海諸台吉亦內附，封以王

公貝子等爵。雍正時年羹堯平青海，年氏嗜殺，多所屠戮，青人至今畏其而膽寒。後岳鍾琪循河源而入藏。年羹堯出西北朔布哈河至達布遜泊，更西北經噶斯口至羅布泊，羅布藏丹津壘風披靡，事定編各部落爲旗，置扎薩克，玉樹等族則任其消長，置青海辦事大臣，駐節西寧。自乾隆平定後雖時有變亂，旋即平服。乾隆二十四年平定回疆，設安西肅肅甘肅省，青海境限與安西隔山爲界。然自道光以後，番人勢力日見強盛，數攻蒙人，而海湖附近水草肥美之地，復入番人。

第二節 民國建立後之青海

民國元年，裁撤西寧辦事大臣，改設青海辦事長官。

二年，設蒙番互慰使，以馬麒任之。

四年，裁撤青海辦事長官及蒙番互慰使，改置甘邊寧海鎮守使，將青海全部歸其管轄。

八年，設立蒙番師範學校於西寧。

九年，設置玉樹都蘭兩理事員，並於各地設立蒙番小學校二十餘所，教化蒙番子弟，設置玉樹都蘭二處郵政代辦所，設立玉防司令部於結古。自青海東部及西部道屬各縣地震以後，各地瘟疫流行，初起於蒙古二十九旗，漸次傳染，乃及於近海八族及玉樹二十五族。最初惟牛羊傳染，蒙番民族以肉食之故，乃漸傳染及人，既乏醫藥，又無賑濟，各地死亡枕藉，惟有任之。

而已。而西寧各縣又因不種生黃，顆粒無收，其時軍政當局，曾由涼州轉運糧食，以爲賑濟。但人數衆多，全活有限，共計各縣死亡八萬餘口，而蒙番人民死亡之數則無法以爲統計。

十五年，改置青海護軍使，並置拉卜楞設治局，隸於西寧區行政長官公署，各縣連年亢旱，繼以冰雹，復因甘肅各地缺糧，不得不由西寧各縣運糧救濟，因之糧價奇昂，民不聊生。

十七年，國民政府決議建置青海省，劃甘肅西寧道屬之西寧、大通、樂都、巴燕、湟源、循化、貴德等七縣及蒙古二十九旗、玉樹二十五族等地以屬之，以西寧爲省治，並將拉卜楞設治局改爲夏河縣，劃歸甘肅省轄。

十八年，青海省政府正式成立，主席孫連仲率部入青。

十九年，增設民和、共和、疊源、互助、同仁、玉樹、都蘭等七縣，旋因主席孫連仲辭職，乃以馬麒兼代主席。

二十年，中央黨部派方少雲等爲青海黨務特派員，組織青海省黨部，宣傳主義於蒙番民衆。同年國民政府並將巴燕縣改爲化隆縣。

二十一年，馬麒因病出缺，國民政府任命馬麟爲省政府主席。

二十二年，增設囊謙縣。

二十四年，增設同德縣。

現在青海省府主席爲馬步芳氏。

全境計轄十六縣，及蒙古二十九旗，玉樹二十五族，果洛五族，近海八族等，苟能繼此經營，積極建設，並逐漸改良人民生活，溝通各民族文化，則化數百萬邊疆民族，而爲優秀國民，同享三民主義之平等幸福，其有裨於國防及民生者，誠未可限量也。

第三章 青海之地理環境

第一節 地質

青海地質尙無精確之調查，全境爲古生代層與花崗岩所成之高原，而覆以火山岩，分佈極廣，且甚顯著。

東部及東南部附近之山地或山麓等處地質，大致與陝北、隴東相近，黃土層顆粒均勻，砂質，泥質，鈣質皆有，爲最適於農業之土壤，農產甚豐。沿河之地概爲沖積土，餘則砂石相雜，可耕之地無多。

北部祁連山一帶，構造複雜，火成岩及結晶岩均有，大通一帶，有暗黑色瀝青質泥灰岩。中部地方，火山作用甚強，今已休息，故其遺跡成爲湖泊。至湖泊沿邊之土壤，多含鹽質，不適耕植，其餘卑濕之地亦多。

南部以古生代層最爲顯著，山脈爲片麻岩及雲母岩所成，山峯則由花崗岩所成，山麓等處，地甚肥沃。惟日月山以西，屬於高原乾燥地帶岩石凌亂，土色不一，大都由高處岩石風化而成，土中多含大小石塊，不甚適於農業，爲天然游牧之區。

第二節 地勢

青海爲高原地，巴顏哈喇山脈橫貫其中，爲黃河長江上源之分水嶺。長江由川瀾下吳越，黃河繞沙漠，走燕齊，分中國地勢爲南北二部，唯青海實握其總樞紐。又適位於中國全部之中央，南連藏衛，西負回疆，東南接蜀道，東北依隴右，中有噶達素齊峯，河源出焉，南有巴薩通拉木山，江水發焉，青海湖在其東北部，周迴五百餘里，淵然停滯，地味瘠薄。青海有魚鹽之利，四圍水草豐美，成天然之牧場，其餘山嶺川河之條幹，縱橫交錯，蔚成大觀，其高度以西南部勒科爾烏蘭達布遜山爲最富，有二萬餘尺，祁連山高二萬尺，巴顏哈喇山唐古刺山脈均在一萬五千尺上下。其東北盆地之青海湖面猶拔海九千八百尺，西北盆地之柴達木河南岸，拔海九千一百五十尺。青海高原平均高度在一萬尺至一萬三千尺之間，東部舊西寧道各縣川原相間，早經開墾。北方盆地多湖泊，饒水草，爲蒙古族遊牧之地。平原千里，一望無垠，地暖土肥，頗宜農牧。南方山谷富於森林，水分充足，且落葉腐積，地質肥沃，宜於種植，爲玉樹二十五族駐牧之地。西北柴達木亦係低濕之區，頗似古湖涸底，四週復繞以山脈，氣候乾燥，不適耕作。西南高地氣候高寒，雨量極少，夏隆枯瘠，耕種不宜，部落之所不居，因生物難以生存，行旅往來時虞僵死，東南部雨澤尙多，不乏野生植物，耕牧俱爲適宜，爲果洛克五族駐牧之地。茲略誌各地高度如次：